



# Tsab Ntawv Qhia TSEEB



MINNESOTA DEPARTMENT OF  
**LABOR & INDUSTRY**  
CONSTRUCTION CODES AND LICENSING

## Leej twg thiaj ua hauj lwm tau zoo li tus neeg ua lag luam rau tus kheej nyob rau hauv fab txua vaj tse?

### Certificado de exención

Lub xeev ib txoj cai tshiab uas pib ua hauj lwm txij li lub Ib Hlis Ntuj Tim 1, 2009, yuav tseev kom cov tib neeg (tsis yog cov lag luam muaj neeg coob sib koom, cov LLC, los yog cov sib koom ua lag luam ua ke) uas ua lag luam rau nws tus kheej hauv fab txua vaj tse yuav tsum mus muab kom tau Tsab Ntawv Pov Thawj Kev Zam Rau Cov Neeg Ua Lag Luam Rau Tus Kheej (Independent Contractor Exemption Certificate (ICEC)) los ntawm Tuam Fab Txhawb Kev Ua Zog thiab Ua Lag Luam. Txij li lub Ib Hlis Ntuj Tim 1, 2009, rau txoj cai pab nyiaj raug mob hauj lwm, pab nyiaj poob hauj lwm, nyiaj xyoo thiab nyiaj raws teev thiab kev nyab xeeb ntawm txoj kev ua hauj lwm thiab kev noj qab haus huv, cov neeg txua vaj tse uas tsis muaj tsab ntawv ICEC yuav raug muab nws xam ua cov neeg ntiav ua hauj lwm los ntawm lub lag luam uas lawv cog lus ua hauj lwm nrog.

Kom thov tau tsab ntawv ICEC, cov tib neeg yuav tsum ua kom tiav thiab xa tsab ntawv thov uas qhia tau tias lawv cov kev ua lag luam yeej tsim nyog raws li ib tug neeg ua lag luam rau nws tus kheej lawm. Kom ua lag luam rau tus kheej tau, cov tib neeg yuav tsum muaj tsim nyog raws li txoj cai tshiab cuaj qhov tseem ceeb.

Tsab ntawv ICEC yuav tso cai rau cov tib neeg ua lag luam rau tus kheej ua hauj lwm tam li ib tug neeg cog lus tuaj ua txoj luag num. Tus neeg muaj tsab ntawv pov thawj, ua hauj lwm tau ib yam li tus neeg ua lag luam rau tus kheej uas cog lus lees tuaj ua txoj hauj lwm los yog ua tau ib tug neeg ntiav los ntawm lub lag luam los ua hauj lwm. Tus neeg muaj tsab ntawv pov thawj txoj kev ua hauj lwm tam li ntiav ua hauj lwm los yog ua lag luam rau tus kheej yuav nyob ntawm cov zwj ceeb hauv txoj kev tuav cov luag num. Kom ua hauj lwm tam li tus neeg ua lag luam rau tus kheej, nrog rau txoj kev yuav tsum muaj tsab ntawv ICEC, txoj kev ua hauj lwm yuav tsum muaj tsim nyog cuaj qhov tseem ceeb.

Txuas mus xyuas cuaj qhov tseem ceeb ntawm  
[www.doli.state.mn.us/ic](http://www.doli.state.mn.us/ic).

*Tsab ntawv qhia tseeb no tsuas yog lus nthuav dav xwb, yeej muaj cai hloov tau. Xav nyeem cov lus hauv txoj cai, txuas mus xyuas*  
[\*www.doli.state.mn.us/ic\*](http://www.doli.state.mn.us/ic). Minnesota Cov Kev Cai §181.723 yog txoj kev tswj xyuas cov neeg ua lag luam rau tus kheej nrog cov kev txua vaj tse ua lag luam los yog rau pej xeem los yog kev txhim kho pej xeem los yog lag luam cov vaj tse.

### Kev thov tsab ntawv pov thawj

Pib txij thaum lub Cuaj Hli Ntuj 2008, DLI yuav muab tsab ntawv thov ICEC nyob rau lawv qhov Web site ntawm [www.doli.state.mn.us/ic](http://www.doli.state.mn.us/ic). Tsab ntawv thov thiab tus nqi txuas tshiab rau tsab ntawv ICEC yog \$150. Cov neeg ua lag luam rau tus kheej yuav tsum txuas tshiab tsab ntawv ob xyoos twg ib zaug.

### Chaw lag luam ntiav lub luag num

Cov lag luam ntiav neeg yuav tsum taug qab kom paub tseeb hais tias cov neeg cog lus yuav ua hauj lwm nrog lawv puav leej yog cov neeg ua lag luam rau tus kheej uas muaj tsab ntawv pov thawj kev zam tseem siv tau tam sim no. Cov lag luam yuav tsum tswj cia cov ntawv pov thawj mus txog tsib lub xyoos. DLI yuav zwm cia cov neeg muaj cov ntawv pov thawj nyob rau hauv lawv qhov Web site, thiab yuav mus rub tau cov ntawv pov thawj rau cov tib neeg.

Cov tib neeg thiab cov lag luam ntiav uas tsis ua raws li cov kev cai no yuav raug nplua txog \$5,000 rau ib zaug twg ua txhaum thiab yuav raug ceeb toom mus rau chaw pab nyiaj raug mob hauv hauj lwm, chaw pab nyiaj poob hauj lwm, thiab chaw tswj xyuas nyiaj txiag foob mus tom ntej.

**Xav paub ntxiv txog ICEC,  
txuas mus xyuas**  
**[www.doli.state.mn.us/ic](http://www.doli.state.mn.us/ic)**